

堯山堂外紀

堯山堂外紀卷九十八

晉陵蔣仲舒編

國朝

廖道南

字鳴吾，湖南廣先。是中卷正德辛巳會元。張治系陵人。廖滿圻人。其三人亦

並楚產。考官咲曰：此湖廣鄉試榜也。先是帝星明於江漢故世廟以此歲由興藩入繼大統而魁選又應文星故改湖廣為南卷而鄉試亦增五名。

廖道南為奉人。卒業南雍。與南妓陳漁女狎。廖有詠，最足一絕。曰：白練輕輕最金蓮，步步移莫言。

長在地也。有上天時。又嘗與陳聯句。詠穩卓一
絕云。木屑原來斧鑿成。廖暫來低處立功名。陳
雖然不作擎天柱。廖也。斷人間枉不平。

嘉靖甲午間。廖道南以議建九廟被春大擢。如在
即時。倫公以訓典廖同官。遇弗逮。心頗不平。廖
忽謂倫曰。吾有句云。人心不足蛇吞象。倫即應
穀曰。天理難容。獺祭魚。倫籍廣東。廖籍湖廣。百
粵有蛇蠻之誚。荆楚有乾魚之譏。故奉以相嘲。

云

廖後以父喪歸西迎上於承天衣紅上弗悅罷其官

高叔嗣

字子業諱蘇門洛陽人嘉靖癸未進士生支干共偽漢友諒同既遷楚集

恒邑邑不自持發病卒寔友諒彭湖之歲

高蘇門飲平定孫太守宅孫時壽八十二蘇門贈

詩曰榆關月出滿晴暉留客芳尊盡夜歸本憲

青山辭虎竹甘垂白髮守漁磯藥欄傍戶花香

入藤樹當庭葉露微便向磻溪問哀健周玉仍

欲夢熊非

叔嗣未弱冠著巾情賦萬言犬梁之士駭曰高氏才子也

袁素

字永之嘉靖丙戌進士授兵部主事因兵部大誦戊松江以終

袁素七歲時即穎悟殊等所親有仕為泰安吏目歸者以扇索詩遂信手書云蓮幕清風滿泰山歸來林下一人間官情恰似秋雲薄相對黃花滿笑顏

袁胥臺次電白觀海留詩云電白城高海上開飛樓千尺俯蓬萊三山隱見從空起八極溟濛入望來蜃氣朝蒸疑是霧潮聲晝湧忽如雷遙思

驅石當年事直欲乘槎去復回。

陸榮

字浚明一
字子餘

陸貞山幼善屬對錢漕湖秋日過其家指庭中樹
曰秋聲在樹鳴金鐵即對云山色當窗罨畫圖
謝樂全見其目秀言聰明露在眼上應聲云錦
綉羅於胸中時年甫六七歲耳稍長同陸象孫
會客曰圍棋賭酒一肴一酌客無以應榮即云
何不對坐滿觀書五更五經他若臣作股肱耳

目對予敷心腹腎腸五事貌言視聽思對七音
宮商角徵羽又棗棘為薪截斷劈開成四束間
門起屋移多補少作雙間此類甚多

粲兄來亦善屬對東郊巡按蘇松刷卷許御史戲
云北臺東御史西人巡按南方東不能屬采私
為對云冬官夏侍郎春日辦完秋稅又一人出
對與學子云呵硯作書口內風雲生黑雨采亦
代為屬云鋪牌買快掌中天地現金星

陸世明陸浚明同宗也俊材思聲稱藉甚舉于鄉赴省試下第歸過臨清鈔開錯認為商令納稅陸即書一絕呈主事云獻策金門苦未收歸心。日。夜。水。東。流。扁。舟。載。得。愁。千。斛。聞。說。君。王。不。稅。愁。主事見詩驚愧亟迎入款贈甚厚

金陵一妓能詩善鼓琴以月琴自號陸世明過其家口占點絳脣贈之云三尺冰絃夜溪彈破青天窳意中人香只有清光到雲雨無緣總是相

思調愁懷抱。嫦娥心照。訴與他知道。妓求室中。

春聯。即接筆書云。半窗花影人初起。一曲桐音。

月正。中妓讚誦不已。徐言中字恐不如高字。世。

明欣然易之。金陵教坊妓齊錦雲者。能詩善鼓。

傳春眷愛更不他接。春受仇事。誣繫獄。錦雲脫。

替珥為餽。給時或不繼。售卧褥。供之後。謫戍遠。

方錦雲欲隨行。春恐途中反生。桐端力止之。錦。

雲因贈一絕。一呷春醪萬里情。斷腸芳草斷腸。
歸。願將雙淚啼為雨。明月留君不出城。錦雲既。
歸。逢首垢面。閉戶不出。日讀佛書。未幾病沒。人。
多。義。

顧明

號霞山
武進人

顧明同陳總戎宴白康敘園留詩曰山城春盡柳
花香亂撲王孫雲錦裳萬巧共看金作谷百壺
那惜玉為漿賓朋得意心俱醉節鉞宜人氣自
揚愧我請安今已暮江東留滯一清狂

有業縫衣者以賄得獎冠帶顧霞山嘲曰近來仕
路太糊塗強把裁縫作士夫軟趨一朝風盪破
分明兩個剪刀箱

顧霞山坐事亡命過河墅閑閑吏呵止之顧獻詩
曰落魄江湖過滄頭瀟瀟行李一扁舟撐腰拄
腹三千卷。盡欲濡君助國謀。主事亟延接之厚
贈去

皇甫汈

字子循。號百泉。錄之子。長洲人。嘉靖

已丑進士。官稽勲。即中兄。中汈弟。諫
並擅才名。而司
勲尤為白眉

皇甫汈詩特工五言。至七言。近体薄不多。作詩卒
蔡子木悼之云。五字。沉吟詩品絕。一官。顛。顛。世

塗難時以為實錄。蔡每對人讀，輒哽咽淚下。

皇甫湜赴丹陽廣福寺與弟沆言別云：古寺碑題
西晉年，澄湖如練，倚窗前。寒雲自覆金光殿，荒
艸猶埋玉乳泉。楓葉染霜秋後色，雨花和梵夜
中禪。亦知閩水同觀世，不柰潮聲送客船。

皇甫湜訪李伯華太常有詩云：拂衣歸卧一丘安，
命駕何辭千里難。書棹高樓蟲蠹盡，棋拋別墅
鳥污殘。雄心每向詞中發，變態都將戲裏看。自

愧交知成自首猶持長劍倚人彈伯華以善相
名又嘗作寶劍記故司勳及之

唐錢起郎士元並擁大名自丞相以下更出作牧
二子無詩祖餞時論鄙之皇甫子循與蔡子木
同官陪都頗亦似之後子循在澶州寄懷詩末
云日日江頭聞送客每于詩卷恨錢郎

崑山顧茂倫妹乃雍里方伯之女皇甫百泉之甥
也嫁孫僉憲家為婦甚有才情嘗有春日詩云

春雨過春城春庭春草生春闈動春思春樹叫
春鶯。

蘇志皋

京師宣武門外有寺曰歸義凡士大夫送行多于
其間嘉靖中刑部副郎蘇志皋一日餞客先至
僧房鉢間有李鎮所畫判子一副迺脫靴為壺
令一鬼執而投之一鬼執酒壺於判後竊飲之
蘇因暇戲題詩以嘲云芭蕉秋影送婆婆安醉裡

觥籌射鬼魔到底不知身後事鄴都城外更如
何蘇友高東谷時為光祿少卿夜夢綠衣使者
揖曰蘇司寇嘲戲太重求為解之次日高告于
蘇蘇思而告以歸義之故兩人相笑別去高復
夢綠衣曰我以公與蘇司寇交厚專為求解何
置不言高明日額往蘇處特拉同至歸義復題
云蟠龍頻竊酒頻傾總是區區兒女情莫道不
知身後事目光如電照幽冥是夕高復夢綠衣

來謝蓋亦異云

蔡汝楠

字子木號白石德清人嘉靖壬辰進士官大司空

揚州郝侍御構東園宮樓蔡子木題云大隱結樓
城市裡獨憐樓戶向東開瓊花不受西風落處
幕常迎曙色來海畔三山堪寄眺林間五老共
傳盃知君別訪長生訣倚檻時時待鶴回

許穀

字仲貽號石城上元人嘉靖間太常卿

許石城乙酉中鄉試己丑壬辰俱落第出都門口

占自嘲有歸去南京無別事笑來依舊念書經
之句聞者為之捧腹至乙未會試第一

許仲貽潞河道中寄都下諸君云長河南下客程
遙北望燕山翠不散吏衣冠今故國美人簪
珮總丹霄風前驛樹枝搖落天外江鴻影寂寥
何日金門還曳履雲中重聽奏簫韶

王維禎

字允寧號槐野陝西華州人生平所
推伏者獨杜少陵一日謂王元美曰

趙刑部某治狀何如曰循吏也甚慕公詩
且吾嘗大笑曰循吏可作詩何可便作又

謂元美曰見王謀詩否曰見之又曰會示
我一冊吾欲與評之渠意不受評渠欲吾
廷譽令吾无可譽後念其母老病乞南得
國子祭酒坤省道經華山為文祭之大約
以母素敬神而不蒙庇即愈吾母病吾大
史也能為文以不朽神其辭頗支離惟証
居无何以地震死西安李戶部愈素恨允
寧殿華山神為文詈而僂之今並傳閣中

王允寧臨潼初度有詩自嘲云辛丑仲冬月二日

吾今三十五年過漫將車馬驅塵海豈有文章

艷綺羅冉冉松雲依閣度輝輝梅日傍人和他

鄉杯酒難成醉策杖驪山望故阿

朱曰藩

字子价。瑞射陂。宝應人。嘉靖間官副使。

嘉靖中火災後朝廷將鼎新三殿令兩京各衙門
官出銀助工時朱射陂為主客正郎嘗作一詩
云五雲深處鳳樓開。中外欣欣盡子來。敢謂鸞
鷺能割股。願同鸚鵡可消災。司空怪見如无物
村僕何如歎破財。安得黃金高北斗。即教三殿
麗蓬萊。雖則戲謔之詞。然有諷有諭。人以為切
中事情云。

朱射陂雨中過天隆寺檢楞伽遺教諸經作詩曰
歷陽飛雨過江寒亂石高杉路萬盤不向諸天
行處險豈知三藏到時難溪林貝葉僧翻少中
夏枇杷鳥啾殘獨怪世緣非偶爾入門先認說
經壇

朱射陂又有秋閨怨曰合歡樹上鳥欲栖空房織
錦室家妻遙遙夜夜誰能奈三三五五並相携
鏡花對影慙雙笑燭淚分行伴獨啼莫道迴文

能妙絕陽臺雲雨隔婁西。

喬世宰

字景叔耀州人
嘉靖間官學憲

喬景叔已酉歲以楚藩叅入賀萬壽携行卷百餘
首示王元美元美最愛其寄王太史元思謫戍
玉壘一律云學士兩朝供奉年上林詞賦萬人
傳一從玉壘長為容。幾放金鷄未擬還。道買
田臨淮口能忘。歸馬向秦川五陵它日多豪俊
空望城南尺五天

王仲山問 將至金陵聞喬景叔遷官赴蜀詩以志

慨曰共期江上聽潮聲。幾歲秋風旅鴈情。正喜
舟臨桃葉渡。忽聞君向蜀山行。巴川水映琴臺
落。劍閣雲隨馬足生。後會不知何日是。鐘陵西
望縱橫。

劉鳳

字子威號羅陽
嘉靖間侍御

客有談飛來峰疑其妄者。劉子威戲為徵事一首
云怪山絕。越未嘗無。逃石臨流不可呼。縣鼓夜

穿雙去鶴。澤鍾晨響。匹棲鳧。牡飛此日。來城闔。
雄化何年走。轆轤。豈有鐸鷲。翩自至。不須流血。
用鞭驅

劉子威賦綠牡丹云。萼華開。縹鳥異色。艷新姝。柳
蒂烟。堪似。樽傾光未殊。芰荷衣欲濕。鸚鵡鏡中
圖。若向河陽覓。石家應自無。

劉子威擬詠彈琴。嬰童應令云。駕袂玉琴清。移宮
作上聲。小來元識曲。出性愛吹笙。掩抑兩三弄。

低徊一再行。千秋無假喻。自絕此時情。

張幼子所幸陳姬亡後。幼子忽夢姬問佛圖澄。

佛是道。劉子威戲贈曰。月明多露夢來時。落葉
泉潭曲。正悲。散見愁魂疑。慘黛似聞小語乍低。
眉塵中幻劫。元隨世在。日神通亦應期。除是解
禪情。總謝定知無箇罷相思。

隆慶二年五月陝西民李良兩本男子無恙忽變
為婦人與同夥一人合為夫婦共弟李良雲報。

官奏聞劉子威有詩曰鴻蒙乃與陰陽事猶疑
天地未分明。有時埏埴作狡獪。倏忽善幻非常
情。不見晉人一旦遂為誰。人事反覆絕難知。牛
哀已爾成異類。蟬蛻齊后何論為。丈夫作計無
自喜。早晚會隨風雲起。但爾藏頭向閨裡。世間
不復幾男子。

李春芳

字子實揚州興
化人號石麓

嘉靖甲午秋有士子赴鄉試題詩于讀書之屋而

行尾句云明歲看花三月麗滿城桃李先春芳
蓋自寓也明年春榜李春芳作狀元以此詩為

識

世廟自號天河釣叟命群臣賦詩李春芳應制獨
為稱旨其詩曰紅竿百尺倚潢沔獨汎仙槎犯
斗牛光拱衆星為玉餌象垂新月作銀鈞撒開
煙水三千女坐老乾坤億萬秋相遇玉皇如有
問絲綸今屬大明

初李石麓讀書句曲崇明寺中有詩與寺僧曰年
年山寺聽鳴鐘匹馬長途憶遠公它日定須留
玉帶題詩未許碧紗籠及作相僧携詩抵京師
公解玉帶以贈僧歸建樓藏之名玉帶樓

楊繼盛

容城人其父母不睦者十年一日自
遠歸去家三十里暮不及至目段宿

二郎神廟夜夢其神呼曰爺可速回娘候
汝父矣及回一合遂生椒山厥狀與神最

肖故小
字二即

楊椒山夜感月有懷賦詩云鎖合西臺煙霧浮孤

燈相對夜悠悠。寒欺草榻涼如洗。風捲星河曙。
欲流。報主獨憐盛盂浪。論文誰復憶同游。多情
惟有舊時月。猶自偷光入氣樓。

嘉靖壬子楊樹山渡江訪唐荆川先生不值因登
焦山題碍月亭壁云。楊子懷人渡。楊子椒山無
意合焦山。地靈人傑天。然巧瞬息神游萬古間。
後豫章謝廷傑督學南畿摹此詩刻之石。未幾
亭圯墨跡湮滅云。

楊椒山臨刑詩浩氣冲太虛丹心變千古平生未
了事留與後人補其子應尾因號補亭後以廢
官京師每過西市輒涕泣回車西市椒山受刑
處也

諸大綬

字端甫號南明山陰人嘉靖丙辰狀元

高崑崙太史奉使還蜀諸南明送以詩云清宵天
祿正然藜。整捧周圭出玉墀。回望五雲天咫尺。
行看三峽路逶迤。晚風亂度猿聲急。曉月橫浮。

嶽色奇知是相如擅詞賦登臨到處有新詩

范應期

字伯禎號屏麓烏程人

范屏麓為國子時赴京鄉試將送者皆集舟南發忽一喪舟至哭甚哀衆為不懽忽又一舟至載一麗妓衆邀至屬以侑觴妓曰前三年此時有客上京妾得事之間為誰日記是徐瑤泉者尚不知已首捷也衆為鼓掌火噓舉觴屬公酣飲極歡曰兆定矣是夜公卧舟中夢入廣寒宮老

桂輪困馱香散采為嫦娥者千百輩皆齊聲歌
曰絲綸閣下文章靜鐘鼓樓中刻漏長獨坐黃
昏誰是伴紫薇花對紫薇即既醒知其為吉兆
而衆皆聞天香經日不散是科果成殿元極鑿
坡之選泥金報日夫人訃音已至續娶吳夫人
小字紫薇

袁宗道

字伯修萬曆
丙戌會元

袁伯修黃平倩二太史寒夜集朱靜甫侍中維摩

室作禪語莊語兩相偈和以提為勝頓成二十
七字對禪語曰那畔消息見半點兒有甚巴
着非是干了蕩了說不盡百樣即當因此上雪
山中忙倒了釋迦喫麻喫米受苦擔餓生怕放
逸魔花費了眼前日子莊語曰這邊事情到十
全處還未稱心忽地便七旬八旬嘆原來一場
扯淡只落得涿園裏笑殺箇莊周應馬應牛道
遙散誕都將這順境交付與頭上天公

堯山堂外紀卷九十九

晉陵蔣仲舒編

國朝

李攀龍

字于鱗號滄溟濟南人嘉靖間官校察使其詩多風塵字樣人謂之李風塵其終也以舉筆作文心痛即死何太復亦然

李于鱗為按察副使視陝西學而鄉人殷者來巡撫殷以刻覈名尤傲而無禮嘗下檄于鱗代撰奠章及送行序于鱗不樂移病乞歸殷固雷之

入謝乃請曰臺下但以一介來命不則尺疏見屬無不應者似不必檄也殷愕然起謝過有所屬撰以名刺往而久之復移檄于鱗恚曰彼豈以我重去官耶即上疏乞休不待報竟歸吏部惜之用何景明例許養疾疾愈起用蓋異數也于鱗歸杜門自兩臺監司以下請見不得去亦無所報謝以是得簡倨聲又嘗為詩有云意氣還從我輩生功名且付兒曹立諸公聞之有欲

甘心者矣

李于鱗懷宗子相詩薊門秋杪送仙槎。此日開尊感歲華。臥病山中生桂樹。懷人江上落梅花。春來鴻鴈書千里。夜色樓臺雲萬家。南越東吳還獨往。應憐薄宦滯天涯。子相每誦中聯自歎以爲不可及。于鱗守順德時有胡提學者過之。其人蜀人也。于鱗往訪。方掇茶次。漫問之。曰：楊升菴健飯否？胡忽云：升菴錦心繡腸。不若陳白沙鳶飛魚躍也。于鱗拂衣去。口咄咄不絕。後按察關中。過許中丞宗魯。許問：今天下名能詩何人？于鱗云：唯王元美。其次爲宗子。相時。

子相為考功郎許請子相詩觀之于鱗
忽勃然曰夜來火燒却許面赤而已

殷太史正甫至自泰山李于鱗贈詩曰明堂天子
昔登壇。御道風流擁。漢官海色迴。臨三觀。動春
陰不散。五松寒白雲。忽向封中出。玉牒誰從篋。
裏看此日滿。朝求禪草相。如早晚入長安。又作
詩問正甫云上宮春色自何年。阿閣神房幾洞
天。囊裏定攜三秀草。懷中曾擬四愁篇。射牛漢
蹟今猶在。繫馬吳門似杳然。七十二家論祀典。

還朝可奏聖人前。

舊河通瓠子。新浪派桃花。元人張仲舉詩也。嘉靖

中河決。徐沛大司空萬安朱公衡排衆議改築。

新渠百年河患一旦屏息。海內名士咸有頌章。

李于鱗詩云。河堤使者大司空。兼領中丞節制。

同轉餉。千年軍國壯。朝宗萬里帝圖雄。春流無

恙。桃花水。秋色依然。瓠子宮。太史但裁溝洫志。

丈人何減漢臣風。春流一聯王元美。亟稱之以

為不可及然實用張語而意稍不同後元美過
新河亦有詩呈朱公云日出煙空匹練飛大荒
中劃萬流依連山盡壓支祁鎖逼漢疑穿織女
機九道徵輪寬氣象六軍容物迥光輝甘棠欲
讓金堤柳曾護司空却蓋歸論者以支祁織女
一聯又在槐花水瓠子宮之上

李于鱗寄題王元美藏經閣云岩峩飛閣太湖傍
有客翻經日滿牀白馬尚畱霜練影彩毫應帶

兩花香當年。張掾生秋興。何處支公坐。道場君自
風流兼二子。吳門極目正茫茫。

李于鱗題周天球小象云。落鬼吳門五十春。懶從
高閣畫麒麟。此中墨客爭知妙。何處詞人更有
真。白眼自宜置丘壑。紅顏元不染風塵。東牆休
挂喬家女。夜恐周郎作後身。

王世貞

字元美。第世懋字敬美。海上
有鳳麟洲。故兄弟各以為號。

王元美十五時受易山陰路行簡先生一日有鬻

刀者先生戲分韻。敎元美詩。元美得漢字。輒成句云。少年醉舞洛陽街。將軍血戰黃沙漠。先生大奇之。曰。此子異日必以文鳴世也。

楚人陸生嘗從軍得官而善按摩多戲術。王元美贈詩曰。翩翩裘馬俠兒風。青眼人間計未窮。早歲散金收劍客。中年殮玉禮壺公。顏從熊鳥方中駐。尊向魚龍戲裏空。日月任他雙轉轂。江湖隨意一飄蓬。

王弇州贈湯生裝潢者云金題玉燹映華堂。第一
名書好手裝。却怪靈芝針線絕。為他人作嫁衣
裳。

王弇州有鵠詩云綺質霜毛種種殊。飛鳴元只戀
庭除。籬邊斥鷃聊同適。韞上饑鷹故不如。怖後
長依阿育塔。馴來還寄曲江書。相看總是銜恩
侶。翹首雲霄思有餘。

何元朗嘗至閤門。偶遇王鳳洲在河下。是日携盤

三
榼至友人家夜集元朗袖中偶帶王賽玉鞋一
隻醉中出以行酒蓋王足甚小禮部諸公亦嘗
以金蓮為戲談鳳洲樂其次日即以扇書長歌
來惠中二句云手持此物行客酒欲容齒頰生
蓮花元朗擊節嘆賞以為才情妙絕

王弇州有解語花一闋題美人捧觴云檀槽細壓
紫溜泠泠。滴碎珠千斛。鷓鴣初贖。誰借醒。卓女
遠山黛綠。朱櫻小蹙。風裊處。山香幾曲。捧屈卮

徐露春芽一樣纖纖玉。何事錦圍翠簇。只枝頭
一點買斷金谷。靈犀輕嚼。微酣後。記取夜來題
目。雙鬟趁逐。扶掩向碧紗厨宿。誇醉鄉還倚溫
柔。此際平生足。

王弇州又有折桂令二闕云。問先生酒後如何。潦
倒模糊。偃蹇婆娑。枕底烟霞。杖頭日月。門外風
波。儘皇都。眼眶看破。望青天。信却胡過。好也由
他。歹也由他。便做公卿當甚么麼。問先生不飲

何如一點篝燈。數卷殘書。冷却扁舟。悶他五柳。
淡殺三閭。太行路都來胸腹。帝京塵滿上頭顱。
睡也憂虞。醒也憂虞。不得醪醕。怎便糊塗。

王敬美自謂詩自江西後頗覺有進其題華夷互
市圖云大漢高空寂。建牙兩軍相對醉琵琶。天
閑首箱多羗種。胡女臙脂盡漢家。雲裏射生旋
入市。日中歸騎不飛沙。金錢半減犁庭費。五利
應知晉史誇。

余應舉

字德甫南昌人王元美初成進士隸

于鱗已于鱗所善謝茂秦來已徐子與梁

公實宗子相來已吳明卿及德甫來已孫

肖甫來吟咏時流布人

間或稱七子或稱八子

余德甫與王元美諸人為詩聲名頗相上下其再

寄元美兄弟云濁酒柴門老更狂不因時俗問

行藏芙蓉秋晚空江海薜荔春深勝鷓鴣楚曲

何人堪孺子吳中二美得王郎天門夜半風雷

起銷盡人間六月霜

吳化卿先官中舍後為侍御余德甫贈詩曰三湘
芳草隔天涯。一自鳴珂幾歲華。烏府新栽周史
栢。鳳池舊染漢宮麻。賦成秋色寒飛雪。興引春
杯夜注霞。偶為詞源相問訊。到知郢里是君家。

吳國倫

字明卿。號川樓。與國州人。

吳川樓為余德甫賦湖上草堂云萬戶朱樓夾廣
衢。憐君小築寄城隅。坐中山色羣書擁。枕上江
聲四壁虛。奇字故人爭載酒。席門長者漫停車。

我來竟日壚頭醉。風景何曾異敝廬。

吳明卿貴陽初度其兄遣兩僮適至兩僮竝善吹
笛聞之悵然因賦詩曰東風搔首夜郎城一字
鄉書百感生。侍子雙調雲夢管。當筵忽作鳳鸞
聲。梅花落盡春難寄。律呂和來怨未明。却是吹
埧人。萬里關山何處。不含情。

歐楨伯寄詩吳明卿有云可能一字寄蓬蒿明卿
答詩曰一失風波萬里餘。十年消息數行書。張

騫異域迷通道。詹尹江潭困卜居。自是青雲遊子薄。非關白髮故人疎。君今且莫深巖穴。合有新知薦子虛。

吳明卿將發貴州。畱題署中云。已分孤臣老百蠻。除書猶自發燕關。官同太史周南寄。節似張騫異域還。白首從人增薄祿。彩毫隨處紀名山。夜郎臺畔江如珥。別去仍懸夢寐關。

宗臣

字子相。號方城。揚州興化縣人。嘉靖間官

宗子相夜召吳明卿飲明卿報言病目畏燈火子
相走筆戲簡二絕云秋雲落盡瀟湘曲更有何
人抱寒玉。堂前銀燭豈黃塵相逢不肯開君目
昨日見君雙眼青。今日見君雙眼赤。江南百戰
天地催。豈應欲化長弘碧。

宗方誠喜談神仙昇舉之術。督學閩中時忽謂其
家人曰某日有胡僧相訪當歸化矣。及期謂僧
且至出門迓之登堂分賓主坐定相與話丹鉛。

之事議論酬答疊疊不倦歷三晝夜辭去左右
初未見也既而命家人具湯沐浴作遺詩三首
遂擲筆而逝其一曰長嘯一聲歸去來玉龍高
駕彩雲迴獨留明月詩千首萬古寒光燭上台
其二曰二謫人間四九年青山萬里隔蒼煙于
今更返華陽洞千樹桃花待舉鞭其三留別知
已曰四海相逢盡臥龍清江夏夏秣芙蓉我今
先跨晴虹去遲爾崆峒第一峯

徐中行

字子與。號龍灣。長興人。嘉靖間官方伯。

徐子與尊信李于鱗。王元美二公亦每推轂。子與于鱗又云不意吳越一隅土乃生元美。子與吾鼎立中原。豈不大奇。子與有喜于鱗起家浙憲二首云青門祖帳故賢哉。丹詔新從海岱開。闔闔萬年真主出。風雲一日臥龍來。中興堪借文章色。漢柱曾題侍從才。最幸探奇司馬後。逢君重上禹王臺。衣冠朝散未央鐘。鞭弭中原豈易

逢忽自東方。驅駟馬。遂令南斗合雙龍。霞標欲
避天台賦。紫氣仍來日觀峰。何但故人忻御李。
風流誰不慕嗣宗。

李于鱗書徵王元美徐子與為文會于吳山意氣
豪甚子與賦二詩壯之龍門高倚浙江邊海內
賢豪大會年。詞賦有盟歸掌握。秦鞅何地不周
旋。縱橫南紀星辰動。氣色中興日月懸。萬態盡
銷吾黨在。狂歌還似薊門前。禹壇大會遠相同。

不讓談天碣石宮。授簡中原高白雪。被襟大海起雄風。重來五嶽神逾王。老去千秋計轉工。却笑永和修禊者。虛將翰墨擅江東。

梁有譽

字公實。號蘭汀。居士。嘉靖中官主事。

梁公實有吊吳宮詩曰。月墮平湖漫不流。煙波何處可消愁。千年人傷。要離塚。百頃誰尋。范蠡舟。廊下悲風聞響屨。堂前清宴憶傳籌。竹枝似寫當年恨。聲起吳江葉葉秋。又揚州悼隋離宮詩

云李花歌罷益淒其。正是迷樓縱樂時。夜月遼
魂哀鐵騎。春風淮柳拂鸞旗。斗邊蛇起妖誰識。
帳裏鵬來事可悲。千載故基何處覓。杜鵑啼上
野棠枝。藻井雕甍駐彩霞。錦帆一去已無家。淒
涼夜月樓前舞。零落春風仗外花。殘燒繞原碑
臥草。夕陽依岬柳藏鴉。可憐河水滔滔逝。不識
人間有歲華。

謝榛

字茂秦。號四溟山人。以救盧次
愷北游燕。刻意吟詠。遂成一家。

謝茂秦曳裾趙藩嘗謁崔文敏銑崔有詩贈之云
三月清洄上。翩翩兩度來。攜詞傾玉海。弔古賦
銅臺。岐路揚朱淚。江湖李白杯。今公今謝事。迴
首尚憐才。

謝茂秦遊天壇賦七言一律天畔飛霞照萬山尋
易山字為峯遂成絕句曰度嶺攀崖自一筇黃
冠竹下偶相逢振衣直上昇仙石天畔飛霞照
萬峯。

謝茂秦賦牡丹曰花神默默殿春殘京洛名家識
面難國色從來有人妬莫教紅袖倚欄杆及讀
羊士諤郡中即事曰紅香落盡暗香殘葉上秋
光白露寒越女含情已無恨莫教長袖倚欄杆
因與暗合遂刪已作

有客問作詩之法於謝茂秦請出一字為韻以試
心思乃得天字遂成三十六句云林開鳥雀天
鷗號月黑天春陰欲雨天斜陽禾黍天明河半

在天一棹劃江天。荷影亂湖天。江清魚在天。蟻
影瘴江天。千江各貯天。海氣混茫天。霜冷菊花
天。雲慘戰場天。野燒氣蒸天。鷹揚朔漠天。馬見
渥洼天。神龍穴海天。湖抱岳陽天。饑鼯叫雪天。
鐘磬徹諸天心空走裏天。鶴夢不離天。濁水混
青天。東南百越天。江波不定天。雲蘿隱洞天。丹
氣夜薰天。登嶽上捫天。隴樹插秦天。霜清瘴厲
天氣。駿漢家天。冰開鴈沼天。海歛大鵬天。嶺斷

五羊天。微茫畫裏天。人老醉鄉天。又用天字起
得十二句云。天馬行無迹。天覆空青色。天高籠
鳥心。天陰鬼火亂。天寒鷹力健。天聚峨眉雪。天
勢海相吞。天風助鬪虎。天山雄漢塞。天長接鄧
林。天晴百鳥散。天垂四野青。又第二用天字得
十二句云。井天開地鏡。鈎天奏太和。蜀天低劔
閣。雲天渾一色。木天通夜鼠。羅天昭象緯。楚天
三峽斷。海天騰蜃氣。諸天空色界。江天月雨分。

霜天紅樹老。通天鳥道寒。又第三用天字得十
二句云。夜爽天街露。孤峰天外出。風暖天絲度。
靜中天籟起。隱見天河影。峽開天一線。漢北天
常雪。日高天更青。霞明天姥峰。禪林天雨花。雲
疎天色澹。井平天影出。又第四用天字得十二
句云。風響參天樹。鑿嶺蜀天開。混沌是天胚。萬
物各天機。出塞胡天盡。龍關海天翻。鴈得楚天
春。虹截江天碧。王氣浮天闕。蹄涔縮天影。秋氣

澄天宇。到海得天多。客謝而去。顧茂秦笑曰。子何太泄天機耶。

大梁李生謝茂秦詩友也。早過茂秦。畱酌談及造句之法。因出燈字為韻。得四十句。云：煙葦出漁燈。書聲半夜燈。山扉樹裏燈。風幢亂佛燈。心空一慧燈。塔閃半空燈。石火點船燈。蛾影隔籠燈。厨煙夜罩燈。倦客望村燈。風雨異鄉燈。山鬼弄昏燈。夜慘病中燈。穴鼠暗窺燈。霜風逼旅燈。紀

夢坐呼燈。江樓兩岬燈。屋漏夜移燈。金粟吐華
燈。仙家月是燈。思婦背孤燈。形影共寒燈。窻昏
夢後燈。諫鷹徹夜燈。農談共瓦燈。棋罷暗篝燈。
呼壚夜盡燈。樹隱酒樓燈。村夜績麻燈。除夜兩
年燈。鬼火戰場燈。林疎見遠燈。夜泊聚船燈。海
舶浪搖燈。殿列九華燈。靈燄鳳膏燈。春宮萬戶
燈。李生曰少陵止有舟雪灑寒燈之句子何燈

字之多耶因大嘆服

王元美為比部郎嘗與蔡子木徐子與吳明卿謝茂

秦飲謝時再遊京師詩漸落子木數侵之已被
酒高歌其愛州諸詠亦平平耳甫發歌明卿輒
荆寢軒聲與歌相低昂歌竟軒亦止為若初醒
者子木面色如土子與復與子木論文不合而
罷後五歲折而子木以中丞撫河南子與守汝
寧明卿謫歸德司理張肖甫謫裕州同知皆屬
吏也子木張宴備賓主身行酒炙曰吾
烏得有其一以慢三君子尋具疏薦之

侯一元

號二谷浙樂清人
嘉靖間官布政

侯二谷贈王公督學楚中詩云長江千里白波來
畫舸風輕五兩催。新雨曉看雷澤漲。冰壺秋映
洞庭開。洲前落月聞湘瑟。峽外飛雲見楚臺。辭

賦郢中應一變漢家方重馬卿才。

侯一麟酷做右丞如。四顧徒餘壁。一牀空有書。好
道髮新白。為儒家舊貧。每因松上夢。識得屋前
山。皆得意句也。與一元時稱華萼。

穆文熙

字敬甫號少春東明人

莆田陳本容也。罷先生孫也。將詣都下。穆少春贈
之詩。且曰。爾書法自茲有價。周公瑕之後。即當
以毛穎登壇也。詩曰。隔歲別。驚喜乍舒。憑陵彩

筆近何如。劔鋒自悟。張顛草石鼓。兼傳史籀書。
客裏秋風一榻外。行邊寒雨片帆除。知君到處
名逾重。洛下人爭款應徐。

葉龍塘

夢熊

以言事放逐後十餘歲始為安慶太

守穆少春寄詩云。傾蓋當年事已奇。更於霄漢
幾追隨。直名頓向批鱗起。俠氣兼從說劍知。
一別羅浮空有夢。十年漳水杳無期。循良何日徵
黃霸。惆悵天南歲暮時。

石拱辰穆敬甫與王敬美善兩人日計敬美當督
學俄得報柄文關內敬甫有詩曰蘭省當年識
大家。雄飛今始動黃麻。一官攬轡還驄馬。四
傳經有絳紗。斗下青萍時自起。秦庭白璧久
爭誇。昆明池畔支機石。指點全歸上漢槎。吳
楚何辭擁傳勞。清時共羨領時髦。人才自歎
三秦盛。伯仲同推六代豪。藻鑒湟中空駿
馬。壯遊華頂駐旌旄。五千言後重堪著。會
見關門紫氣高。

陳本容善作矮人行爲南音若鳥語一日自魏遊
越穆少春贈詩曰綠陰池館坐斑荊客子南歸
渺去程醉後侏儒空有態花時鷓鴣已無聲中
山兔盡揮毫去越水鷺肥載筆行書法如君稱
墨妙乾坤何處不逢迎

南樂陳蓋齋三失內子穆少春嘲曰十載元龍嘆
各天書來心事轉淒然芙蓉并蒂三經雨鳳嘴
成膠兩續絃菜子幾堪唸麥雉裴航翻苦遇仙

緣定知鬚鬢時時黑。酷似周郎弱冠年。

堯山堂外紀卷九十九

堯山堂外紀卷九十九

十八

堯山堂外紀卷一百

晉陵蔣仲舒編

國朝

倭國

吳自泰伯至夫差二十五世勾踐滅吳其子孫支庶入海為倭故通鑑前編注云今日本國吳泰伯之後

國初嘗欲征倭其國王遣使嚅哩嘛哈奉表乞降上問倭國風俗如何嚅哩嘛哈以詩荅曰國比中原國人如上古人衣冠唐制度禮樂漢君臣

銀。瓊。荔。新。酒。金。刀。膾。炙。聯。年。年。三。二。月。桃。李。一。
般。春。

成化甲午倭人入貢見蜀葵花不識問何名人給
之曰此一丈紅也其人以紙狀其花題云花於
木槿花相似葉與芙蓉葉一般五尺闌干遮不
盡尚畱一半與人看

正德間有日本國使者經西湖題詩云昔年曾見
此湖圖不信人間有此湖今日打從湖上過畫

工還欠著工夫

倭人入貢每艤舟定海通津橋時防閑之法頗嚴
賦絕句云棄子拋妻到大唐將軍何事若相防
通津橋上團團月天地無私一樣光

嘉靖間倭子從終興雨中往曹娥江賦詩曰渺渺
茫茫浪潑天霏霏拂拂雨和煙蒼蒼翠翠山遮
寺白白紅紅花滿川整整齊齊沙上鴈來來往
往渡頭船行行坐坐看無盡世世生生作話傳

又天連泗水水連天。煙鎖孤村村鎖煙。樹繞藤蘿繞樹。川通巫峽峽通川。酒迷醉客客迷酒。船送行人人送船。此會應難難會此。傳今話古古今傳。

萬曆二年三月倭子三人同一破船漂至登州府。其一能詩。是日雨雪登守就出為題。倭即寫云。一夜東風勝北風。鷺毛飛亂滿長空。梨花樹上白加白。桃杏枝頭紅不紅。鶯問幾時能出谷。燕

愁何日化泥營寒水鎖住鞦韆架路阻行人去
不通

安南

古交趾其國人之
足大指交故名

交趾王原姓陳氏後有黎季犛者江西人幼時販
至其國登岸時見沙上有字云廣寒宮裏一枝
梅釐後夤緣得官一日陳王避暑於清暑殿前
有桂千樹王出對云清暑殿前千樹桂羣臣皆
未對釐憶沙上所見遂以對之王大驚曰子何

以知吾宮中事。釐以實告王曰：此天數也。蓋王有女名一枝梅，建廣寒宮以處之也。遂配之。

弘治間安南使過吉水，弔文丞相詩曰：吉水江頭繫客舟。緬懷丞相舊風流。堂堂大義勤王印，耿耿孤忠就死秋。北伐自期終復漢，東征誰謂竟亡周。一身獨任綱常責，肯戴南冠學楚囚。

交趾使遊京師西湖賦一絕曰：一株楊柳幾枝花，醉飲西湖賣酒家。我國繁華不如此，春來遍地

是桑麻

嘉靖初都御史毛伯溫征安南共國王以萍詩諷
云錦鱗密砌不容針帶葉連根不計深常與白
雲爭水面豈容明月墜波心千層浪打誠難破
萬陣風顛永不沉多少魚龍藏未見太公無計
下釣尋毛伯溫依韻答之云隨田逐水冒稊針
到底原來種不深空有根苗空有葉攸生枝節
攸生心寧知聚處馬知散但識浮時不識沉大

抵中天風勢惡掃歸湖海竟無尋國王見詩大
驚由是貢服

交南莫登庸稱降遣任文明赴京事畢瀕回辭兵
部云言不能達意遂上一啓乃同行阮文泰所
撰文泰其國以狀元及第者詞曰乾坤發育萬
物必資六子以成其功聖人統御萬邦必籍六
曹以宣其教上下一理古今同符文明等抱本
投降赴京伺命駢駢周隰風霜靡憚於馳驅蕩

蕩堯天。雲日第。廡於就。望孚顙。正切驚。惕殊深。
恭惟兵曹鈞座下。量度包荒。忠形納約。上俾帝
介宏推。一世之仁。外溥海隅。咸遂竝生之願。文
明等觀光伊邇。受賜良多。車製指南。欣覲遺還。
之禮。心存拱北。敢忘造命之恩。

占城

地在交趾南濱
海古越裳氏

占城使人入貢詩。其初發云。行盡河橋柳。邑邊片
帆高。掛遠朝天。未行先識歸心早。應是燕山有。

杜鵑其揚州對客云三月離揚

客與同床黃昏二十四橋月白髮三千餘丈霜

玉句詩聞賢太守紅蓮書寄好文章欲尋何處

舊東閣落盡梅花空斷腸其江樓畱別云青嶂

俯樓樓俯渡遠人送客此經過西風揚子江邊

柳落不如離思多